



洛陽九老祖龍學文集目錄

宋

祖無擇

著



第一卷

古詩十一篇

書高辛氏廟

依韵和登州推官張同年之梁山

暮秋江上逢端州朱使君詩以申餞

落星寺南康

瀑布廬山

遊真陽石室

景臣同年知元作亭于公居之池上予登而名

之曰夢草且賦詩以志焉

題仰山二十韻

陳郡袁陟字世弼奉和

途次金陵逢同年沈五判官

沈遜奉和

### 第二卷

七言四韻詩四十四首

和御製賞花釣魚

九日陪舊叅政蔡侍郎宴潁州西湖

讀王元之後集題於卷末

寄獻關下一二知己

歷城郡治凝波亭

留題泰山孫復先生新居

試筆

監丞蕭君見貽嘉句仍惠芳醪強率鄙詞輒繼

高韻聊資適尔深愧斐然

寄泰山孫復

蕭五監丞新作堂成名曰雄且賦彫章題之屋

壁勉率蕪惡以繼高韻

贈牛仲容

張寺丞鳴玉亭書事

庚辰清明州衙不送新火



赴任南康將經九江游二林先寄交代關屯田  
送交代關屯田赴關

琵琶亭

南康春日

簡寂觀

右軍墨池

清明日與二三賓客賞花陳判官為推勘他州

事不預是會以詩抵予因次其韻酌之

秋日天平驛書事

濟上夜泊寄杜秘校

經劍池

送春長句呈李泰伯

送潘華陽

微子廟

寺有四絕一曰靈巖予以赴官獲此稅鞅因賦

拙句用誌其行

贈商水連尉同年

次韻和訓張執秀才見寄

明水鎮水陸禪院

龍圖范給事以禪服向除修治堽域就山築室

因爾書懷俾無擇繼和謹次用其韻

田四秘丞通判鎮戎軍



官况

哭鄆州孔給事二首

夏州叛

寄澶州孫司理

送孟湘虞部赴闕

送劉進士遊邊

同年揚兄作尉樊道兼領勾稽之任賦七言四

韻詩以送之

宋嘉言雅善飛白一日書八字既予因成長句

謝之

送韓尉負外

題魏野園

誚王安石乞分司兩京避諫而去因以述懷

第三卷

五言四韻詩四十二首

題三教圓通堂

馬上讀韓吏部集

至齊五月兩院獄空喜而成詠

眠後于清偶書四韻寄示幕中賓客

齋中即書事

美先生廟

贈廬山崇勝珂長老

送承澤上人歸寧富沙

酌江西運使齊工部見寄

遊韶右

吏隱宜春郡詩十首

題紀信廟

昇州保寧寺鳳凰亭

留題女郎臺

春郊即事

送李丞知京兆司錄

送宗寺丞通判邛州

秋日感懷

寄潁州兄

舟次張澤阻風

寄題漢州西湖兼簡知郡馬屯田

寄千乘劉殿丞求字人編

寄信安判官張秘校

泗水

沈康赴江西掾

張唐民下第東歸

送人作尉臨潼

書懷寄呈萊州張學士

萬大博知惠州



送新州陳式虞部

送蓮房與馬屯田

題安成劉伯玉日新亭

寄成都詩人謝希濤

第四卷

絕句詩二十六首

秋晚寓目

鴛鴦

後池新柳

歷城春日對酒

戲別申申堂

汴水即事

澄清閣

贈江州李虛一司戶

劉仙石二首

交代屯田遠惠書問紙尾批示若就江州至軍

兼可腹背游覽廬阜因成拙句且答佳意

將至南康道中

招二三僚友遊廬阜

遊拙賢

歌者李蘓

過渦河

馬上口占

登泰山簡同行

又遊靈巖

次韻酌陳判官見貽

周咸職方笑臺

感事

題蔡州壺仙觀

聚為九老自詠

遊蔡州東湖

詠繭兒

第五卷

唱和詩一十五首

歐陽永叔送擇之赴陝府酌飲贈別

龍學次韻和

吳奎長文和

劉敞原父和

范鎮景仁和

江休復鄰幾和

梅堯臣聖俞和

龍學題袁州東湖盧肇石

宛陵梅堯臣聖俞和

樂安任大中和



廣陵蕭亢宗和

盱江李泰伯題袁州東湖樂遊堂呈

龍學

又題袁州宜春臺再呈龍學

龍學和題東湖

又和題宜春臺

### 第六卷

唱和詩三十九首

題尚書余襄公西園

尚書余襄公謝都運擇之見訪西園

題余尚書山居要術

尚書余襄公答都運擇之借山居要術

袁州慶豐堂十閑詠十首

袁州通判陳侁和十首

江西運使閻珣謝擇之學士惠示吏隱宜春郡

十詩因成五十六言奉答

龍學和閻運使以詩見獎吏隱宜春郡詩

李泰伯送春絕句一首呈龍學

龍學和

盱江李泰伯送春絕句二首寄呈龍學

龍學和二首

龍學九日登袁州宜春臺

第七卷

鄉貢進士直學宗攄和  
鄉貢進士教諭羅誘和  
詠震山嚴彭徵君釣臺  
通判陳侁和  
京兆章友直和  
盱江李泰伯和

長書并記書一記九

上安撫張雜瑞書荐孫復牛仲容  
蔡州新建學記  
京東路轉運使廳名記

京東路轉運使廳刻獎諭勅記

申申堂記

知雄堂記

柳州學記

袁州慶豐堂記

唐韓文公廟記

袁州東湖記

第八卷

序七篇

刻經効方序  
群公送潘君秘校赴潁上詩序



河南穆公集序

李泰伯退居類藁序

連席秀才字序

進士魏舜元字序

題宜春臺詩序

第九卷

書并神道碑銘墓表祭文

與張郎中書

宋故贈尚書工部侍郎清河張君神道碑銘

宋故朝奉郎守司農少卿致仕累贈銀青光祿

大夫潁川陳君神道碑銘

鄭都官墓表

故鄆州孔給事祭文

第十卷

雜文

歐陽文忠公除吏部侍郎告詞

為病設醮青詞

進士策問三道

與盱江李泰伯五啟

謁袁州 仰山廟祝文

祈雨祝文

謝雨祝文

秋祭祝文

春祭祝文

祭韓文公祝文

祭鄭都官祝文

鼎州桃源觀題名

堵田 仰山新廟題名

起知光州到任表

第十一卷

名臣賢士詩一十六首附

司馬溫公送 龍學守陝

梅聖俞再詠送 龍學赴陝府

王荆公和 龍學登紫微閣二首

梅聖俞送 龍學北使

司馬溫公晚春病起詩呈 龍學

朝議大夫上柱國致仕張徽聞 龍學平昔曾

遊潁州西湖有詩以寄之

張徽又送 龍學和寄黃元之即中詩

司馬溫公送 龍學分司西京御史臺

康節先生印雍字堯夫和 龍學詩

邵康節又謝 龍學詩

又寄 龍學詩

曾司勳詩呈 恩府 龍學



盱江李泰伯題袁州東湖呈 龍學  
再呈

李泰伯寄 龍學

### 第十二卷

名臣賢士文九篇附

歐陽文忠公回答 龍學手書

歐陽文忠公又手書上 龍學

王荊公手書上 龍學求教

王荊公又手書回答 龍學

鄭內翰獬行應奉

山陵加食邑恩告詞

李泰伯寄 龍學長篇

龍學修袁州學記

袁州教授童宗說字夢弼春祭

祖龍學

張尚書字定叟重修袁州州學舍菜祭

祖龍學

### 第十三卷

係家集

祖仙傳

楚山道人蘇覺尹道跋

洛陽王濯跋

祥符李平仲跋

河南席登跋

海陵查籥元章跋

宜都燕居軒莒山續感跋

高平范炳文跋

安陸連鑿題

東萊蔡武子跋

第十四卷

係家集

狀元紫微始末

起居舍人誥詞

紫微撰西齋話記

第十五卷

係家集

紫微撰翊衛雄勇功臣呼必顯告詞加食邑

紫微撰推忠協謀守正佐理功臣向文簡神道

碑銘

紫微撰文正李相魏國太夫人符氏墓誌

第十六卷

係家集

提刑始末

祖氏先塋芝草記



賜提刑 勅書一十四件  
提刑跋韓熙載夜宴圖  
提刑子德恭詩三首

洛陽九老祖龍學文集目錄

洛陽九老祖龍學文集卷第一

古詩十一篇

書高辛氏廟

平昔叙星辰元功祀事分因人列官紀行道亞皇墳高  
躅追顓頊徽聲歷放勛淳風今不競帝典世無聞陵古  
森喬木祠新際遠氛樵穫當季運血食屬明君開寶六年勅建  
是舊壤資府廕遺黎薦必芬春秋奏簫鼓疑是天英文

依韻和登州推官張同年之梁山

峻極軋蒼：班移自混茫勢臨坤軸斷根入海濤殫屹  
立踰千仞孤標冠四荒興雲山近泰出日谷連暘絕憤  
于斯勝煩襟到此涼山經終寂：祀典謾煌：不山海經載此



山秦祠八神五巖黑驪龍睡煙清來鳳翔藏書陋群王  
曰陽即此山也  
中瑟小室桑室桑山村禹載無遺跡秦碑有舊章乘輿  
曾直土鞭石宛居傍在昔初遷鼎當時異省方縱心師  
誕妄恃力逞彊梁儒學微言絕神仙恠說彰錫符尊德  
水留讖著吾漿豈念思王度惟期至帝鄉齋男何者  
秩祝自琅：詎得三山藥翻同一國狂八神寧爾福二  
世果斯止始禍聞陳涉遺書見子長龍興成大定虎噬  
免交攘往事真塗炭寒心劇刺芒自從茲滅國誰復此  
祠陽冤毒疑淪髓凋殘競沫瘡鑒宜觀夏后道合慕陶  
唐聖世踰三代明君掩百王朝廷隆盛礼簡冊耀休光  
運契千齡統歌喧云達莊古今稱治理夷夏共瞻望洪

化周無外群生洽太康東民休望幸端拱德芬芳

暮秋江上逢端州朱使君詩以申餞

奕葉清蔡遠夫君素履恆人皆推世德我亦愛鄉材新  
命一麾守長途萬里來  
画船江雨暗紅旆海風開服嶼  
先声決編毗美化該此行真邂逅幾日共泐洄去矣瞻  
仙棹依然對酒杯前程如見憶為寄早春梅

落星寺南康

金碧共玲瓏樓臺浩渺中  
兩花僧講盛星石寺碁雄巖  
岫廬峯對波瀾蠡澤通微紅看海日遠綠認江楓鷗鳥  
機心息潮音梵唱同人間群玉府寺有太宗皇帝御製御書物外廣  
寒宮雲衲丞多壞塵襟到自空扁舟五湖客長此伴支



公

瀑布廬山

絕巘千尋勢飛泉萬疊痕寒光涵玉岫靈派折琤源峭壁河流立蒼崖井浪翻猿悲經樹急龍駭落潭渾氣爽諸峰秀声和衆籟喧功成身退日期此淮中國

遊真陽石室

皇祐元年十一月丙申任廣東提刑日所作有石刻在英州

昔讀到難篇乃聞真陽室亦嘗惟斯人稱道或浮寔邈在數千里莫覲烟霞質青山有獨往吾志久已必如何驂俗駕尚此紆朝紱謬分南顧憂惟刑在欽卹孤宦雖云遠勝踐其敢失行：訪雲巘草樹披蒙密呀然一穴開勢欲吞朝日嵐光展障展乳溜龍蛇屈溪流自清泚

松韻何蕭瑟酌酒飲遊客謂言此可述周生誠不誣所紀窮纖悉惜哉非吾土無由寄蓬華平生丘壑心與道共湮鬱難進而易退終當守儒術唐周變祠篇離長安遠故難到者難也

景臣同年却兄作亭于公居之池上予登而名之曰夢草且賦詩以志焉

新高宗御諱俯漣漪名標謝客詩憲明溪雨過檻靜竹風吹賀厦應容燕巢蓮亦許龜何人倦漂泊此地好追隨兀兀乘籃輦：倒接籬秋芳正堪賞樽酒莫過時

題仰山二十韻

維南斗牛下萬仞從聳崔嵬日上光先占江盤勢却回一



方蒙雨露幾處對樓臺不逐秦鞭去曾經禹載來雲生  
峰慘淡冰泮谷喧阗險外烟嵐變深中洞府開巖花春  
灼爍溪鳥暖毳毼飛瀑含清籟平龍走疾雷平川蕭廟  
闕半腹鄧壇摧精瘟瑤瑰室部鍾杞梓材僧軒宜薜荔  
樵徑怯莓苔旁魄龍舟楫前瞻度嶺梅仙經饒地肺賦  
筆讓天台神物多靈貺農田少旱災隱君須獨行吟咏  
亦難才何客能依止伊予語敢哉一麾成繫滯四友阻  
遊陪未脫紅塵累徒嗟白髮催夢頻生枕席賞每例尊  
罍預恐水時代圖歸作醉媒

陳郡袁陟世弼奉和

客意正索寞詩簡江際來一聞清玉韻如見翠屏開磅

礪霄漢外騰凌鸞鳳迴仙源朝露蔽乳竇夜風飈九月  
已冰霰三時無沴災徒均南畝澤應老鄧林材爰三聳  
天柱巖三尊國台高名皆禍爾真賞豈然哉紫蓋歆松  
蔓青錢點石苔神虬潛天矯皓鶴舞毳毼采藥蕃芝朮  
尋花有杏梅丹臺今宵三蒼壁古崑三絕頂飛泉落半  
崖枯栢摧勢堪卑蔣霍名不假劉雷釋子安生計幽人  
足隱媒雲中認旛刹溪上醉觥罍葦戶方窮阨藍軒阻  
奉陪耳愁塵事入心怯歲華催已作五噫咏元非三傑  
才先將丘壑意模寫寄春臺

途次金陵逢同年沈五判官

數載天涯別年來不定居扁舟忽相值孤抱信何如公



幹猶多病述春孝先仍懶書謂人生從坎壈客意且躊躇  
淡薄市橋酒鮮肥江岬魚可來同飲食勿咲此蕭疎

沈遜奉和

一自曾經別于今嘆索居善交思抑惠多病是相如官  
下頻無况天涯每得書舊懷長惋嘆此會合踟躕曉露  
生蘭苑秋風動鱸魚蕭然林野性與世轉為疎

洛陽九老袒龍學文集卷第一

洛陽九老袒龍學文集卷第二

七言四韻詩四十四首

和

御製賞花釣魚時為中書舍人

禁籞春深御幄開鳴鞘曉出五雲來花含瑞色三危露  
酒湛晴光萬壽杯香餌得魚波滉漾仙音儀鳳日徘徊  
微臣叨竊逢辰幸特索甘泉此從陪

九日陪舊叅政蔡侍郎宴潁州西湖

秋晚西湖勝槩多台軒來此駐鳴珂沙鷗散去驚綠竹  
烟柳低垂間綺羅亂柳金錢和露菊狂搖鈿扇倚風荷  
下僚幸接曹尊末率爾翻成擊箸歌

讀王元之後集題于卷末其集三卷皆出黃州後所作詩

提筆幾回書 詰命剖符長 是守方州未 能抗表分司去

五閑詩又題云何當終老為即謫宦休歌舞嬾呼寒食

婚嫁了抗表請分司獄中因醉吟孤坐月波樓樓月波

節筵上妓飢寒慙見獄中因醉吟孤坐月波樓樓月波

詩獨酌詩云孤吟獨酌送文章獨步成何事  
王馬備文

寄獻 闕下一二知己

公道當朝絕比倫 因憑暖筆變孤根 總衝霰雪遊梁苑

便逐風雷化禹門 南郡已甘拋絳帳 東州何幸佐朱幡

心懷象魏身江海 兩地悠悠欲斷魂

歷城郡治凝波亭 齊州

耽二層 高宗廟諱 俯清連山色 波光晚共鮮 形勝增雄齊 十

二風流 素盛客三千 鋪舒柳影眠 鷗渚欺歷蓮 香載妓

船公退 每來須度日 塵纓未濯媿潺湲

留題泰山孫復先生新居

築室新成日 觀前亂雲重 疊稱高眠人 逢捫蝨驚旁若

衆望乘駒詠 賁然名理靜 談誰捉塵古 書聞校自磨鉛

行聞天子東巡狩 羽葆親臨此禮賢

試筆

濟南通守欲幾年 最課無成媿古賢 却為簿書拋筆硯

每思樵釣負林泉 浮名自信雖徒爾 薄俸相拘且勉旃

已共妻孥約生計 會須搔首賦歸田



監丞蕭君見貽嘉句仍惠芳醪強率鄙詞輒繼  
高韻聊資道爾深媿斐然

遲日和風婉婉春感時情思浩無津煩君遠寄中山酒  
顧我方為洛社人濡筆便思題素扇當尊難借吐芳茵  
已欽才妙兼懷惠相遇文場願捧輪

寄泰山孫復即明復也

先生心與白雲閑五十秋風鬢不斑自有清名滿天下  
更無塵跡到人間朱金樂外非攸好貧懦聞風合厚顏  
不待高吟見招隱見收餘俸買青山

蕭五監丞新作堂成名曰知雄且賦彫章題之  
屋壁勉率蕪思以繼高韻

况堂佳號塵游外題壁新吟添思春朴素自持師老氏  
清醒常戒鑒靈均窮通一致由知命恬智相須合入神  
因覽君詩我顏厚不能假日樂天真

贈牛仲容

吾君盱食念邊陲天下英雄待聘時仁義未行真處士  
功名不立豈男兒卧龍誰識南陽隱失馬何勞北叟悲  
生嘗來荐莫向林泉賦長往秋風吹子鬢毛衰  
濟南不利

張寺丞鳴玉亭書事

為憐瀟洒近城闈來往何曾問主人列岫晚昏雲郁  
流泉秋淨石粼粼陸機詩就伏招隱班固文成正蒼賓  
愁見西峰日將暮却驅羸馬入埃塵



庚辰清明州衙不送新火

禁烟故事存遺俗改火平時有舊章縱道齊民皆按堵  
堪驚烜氏味修方晨炊已絕供賓饌缺此一句  
不似前年為客日富鄰猶許借餘光

赴任南康將經九江游二林先寄交代閔屯田  
平生山水有心期今得軍麾慰所思我欲因行訪蓮社  
君應未訢過瓜時若逢勝槩終朝住兼領開僧到處隨  
莫遣迎新吏人至雲間泉畔不相宜

送交代閔屯田赴閔

謝公雅尚廉候政兼得如君不可加自有袴襦歌道路  
長驅旌旆訪煙霞林僧解誦松牕句廳吏能封竹檻花

今日北轅堪健羨清風留與後人誇君僧房田詩公庭種花甚多

琵琶亭

晚泊湓江半客舟琵琶亭下動閑愁霓裳綠腰杳何許  
楓葉荻花空自秋賈傅有才悲鵬鳥楚騷終古怨靈修  
莫言司馬青山濕今日行人亦涕流

南康春日

慙媿東風破臘來一尊清聖為君開無方可使朱顏駐  
有客相逢白眼迴老大漸能知世態踈慵那復計身媒  
遙憐伊洛水應泮芳草還荒舊釣臺

簡寂觀觀即陸修靜先生所居名即先生之謚号焉

順風曾屈帝王尊身後高名與現存石室深居廣成子



布囊薄葬揚王孫流塵暮、凝丹灶清吹徐、觸絳旛  
牢落空山門畫掩羽人亦說絕囂煩梁沈旋碑云止煩  
義表名也

### 右軍墨池

羗廬峯下歸宗寺曾是當年內史居繭紙世傳遺迹後  
墨池人記作書初秋毫幾老崇山兔舊法空現得水魚  
筆勢困云先取崇山絕谷中兔毛人九月收之又珍重  
用筆法云送脚似遊魚得水合頭若景山與雲也  
僧家能好事朱闌碧甃壯庭除

清明日與二三賓客賞花陳判官為推勘他州

事不預是會以詩抵予因次其韻酌之

寒食春光正好誇小筵應免負芳華清談且喜交揮塵

賭酒何須要畫蛇潑火兩餘微綠潤落花風急亂紅斜  
幕中有客應惆悵今日全輸太守家

### 秋日天平驛書事

孤館無人慰寂寞感時情抱楚旌搖縱橫著物秋聲起  
早晚連空殺氣消衰髮已同潘騎省壯心猶羨霍嫖姚  
誓江義勇吾家事不得提戈靜虜妖

### 濟上夜泊寄杜秘校

十幅蒲帆一竹篙隨流逐浪我心勞幾程烟水秋光遠  
半夜星河天氣高正想黃陂何水秋、可憐禹瀆更滔、  
猶欣明發諧相見願奉清言散鬱陶  
經劔池皇祐元年八月晦日題時以  
秘書丞為廣東提刑經過



巧冶何年百煉金  
刺鍾芒刃此湮沉  
氣衝牛斗雖難掩  
鑿遇張雷始見尋  
恍惚莫窮神物遠  
波瀾空在曲池深  
鉛刀也強思磨拭  
悵望西山與華陰

送春長句呈李泰伯時在袁州

盡日臨風把酒卮  
宜春臺上送春歸  
已看綠樹陰靜  
猶有殘花帖  
飛歲月任從隨手過  
功名未必與心違  
我緣客宦無常處  
後會如今亦恐稀

送潘華陽

河陽苗裔有英翹  
年少声名動帝朝  
月桂我欣同賜第  
澗松人借此沉僚  
金牛開道秦川險  
竿馬來賓漢使遥  
想到刀州遇知己  
便從平地上烟霄

微子廟

億兆夷人困獨夫  
惟君先見得良圖  
為仁始欲扶商祚  
去國終能啟宋都  
錢鏐豈甘因諫死  
髡鉗仍免作官奴  
千年廟食應無愧  
知退知止即聖徒

寺有四絕 一曰靈巖 予以赴官獲此稅鞅因賦

拙句周誌其行

常想靈蹤得到難  
因回征轡此盤桓  
松風逗磬僧齋冷  
石水環堂客夢寒  
聖作自同堯典布  
寺有偃蓋松白鶴泉及歲太宗皇帝  
御製古碑猶是魏朝刊  
最憐山色當樓好  
欲去重來一

凭闌

贈商水連尉同年



場屋相知最有情去年同試便同榮  
典冊文章滯馬卿泣玉泪收休積恨  
擲金詞在藹新聲  
公卿好致歸臺閣莫遣徒勞浩嘆生

次韻和訓張執秀才見寄

傾蓋相知分不同遠憑郵置在緘封  
題評祇益頓更品  
刻畫何曾補陋容綵服侍行君得意  
朱轡假守我勞悰  
予方推領郡事論文未遂西齋約  
早晚重親太掬鋒

明水鎮水陸禪院

誰卜精藍若画屏四邊山色與泉聲  
野僧憎見心應樂  
俗客偷來骨亦清晚吹乍回香篆破  
曉雲終散蠲燈明  
吏人莫恠徘徊久自得閑情減宦情

龍圖范給事以禪服向除修治瑩域就山築室

因爾書懷俾無擇繼和謹次用其韻

采：陔蘭負養親幾思定省泣晨昏  
三年已畢先王制  
畫日將承聖主恩名遂自同周柱史  
諫違誰記魯臧孫  
考槃在澗雖云樂祇恐泥書到遠村

田四秘丞通判鎮戎軍

身紆苗綬朝章貴手把芝函帝命新  
方朔上書曾自荐  
初奚外舉果知人公前年應運籌決勝科今為侍讀李  
侍郎保任被召試策入等遂領此命  
用兵西北運籌暫逐征西將待橐看歸拱北辰  
我亦潛心御戎策羨君抗旆擁朱輪

官况

物態無端固盡語自為俗吏欠清譚豈憂官况全蕭索  
祇畏人言足二三玉勒已辜尋曉陌錦鱗猶憶釣秋潭  
公餘自遂踈慵性從道嵇康七不堪

哭鄆州孔給事二首

出入多年侍紫宸封章頻上觸龍鱗杼投幾見疑慈母  
檻折終聞記直臣闕里忽驚歌曳杖洛陽那復見埋輪  
師門一慟盈襟泪痛為明時惜正人

聖孫家世嗣衣纓夫子當朝有令名許國志堅存亮直  
致君心切冀降平明庭抗疏忠言在列郡班條惠化行  
不享永年兼大用終天遺恨負蒼生

夏州叛

羌虜奸誅軫聖憂出師十萬擁貔貅朝廷命將詩書府  
廊廟論兵帷幄籌舜后舞干期振旅漢臣投筆待封侯  
宣王六月存周雅願斷徽声頌國猷

寄澶州孫司理

明道二年同夏課四人兩舉盡登科孤寒惟子辛勤甚  
虛薄伊余忝窈多宦路驅馳今各自名場出處舊相過  
感今懷舊無慘賴不覺臨風發浩歌

送孟湘虞部赴闕

科名拾芥職三虞落二雄才與眾殊為政人驚今遂霸  
論兵自比古孫吳倚廬已見因心著公近居先大夫喪哀毀過制結  
綬還陪辨色趨不似馮唐空白首漢皇今正渴嘉謨



送劉進士遊邊

朔風動地雪花明去、從知指戍城腸藿失糜千里驥  
食魚翻嗜五侯鯖狂途望斷河水合旅館吟殘海月生  
且共淹留話離索一尊濁酒為君傾

同年楊兄作尉棘道兼領勾稽之任賦七言四

韻詩以送之

縣城荒僻民居少吏事全稀似隱淪且喜桑郊接鄉樹  
莫嗟藍綬染京塵鸞姿豈合淹仇覽仙骨應難滯子真  
好在公餘頻寄問我方江上學垂綸

宋嘉言雅善飛白一日書八字貺予因成長句  
謝之

輕如游霧重如雲學到精微妙入神奇迹昔年傳聖帚  
高名他日壓烏巾誇呈朋友防求副留教兒孫恐失真  
天子清閒好揮翰似君須合侍嚴宸

送韓尉員外

幾年獻賦向公車四十方為冉、趨昔競寸陰終蹭蹬  
今貪斗粟尚踟躕潘郎毛髮看將白陶令田園說已蕪  
官滿還歸省門下預應搔首重長吁

題魏野園陝府

曉日東郊扣隱扉瞳、初日弄朱旗黃稍風舞先生柳  
紫頰霜殷鳥閑切赤黑色也大谷梨粉艷清歌竝邃閣  
碧溪寒韻落幽池我來載酒山翁醉且喜秋香菊滿籬

誚王安石乞分司西京避諛而去因以述懷  
割斷攀緣宰相推憂危爭似我身全試觀竿上拋生體  
且擬波中戲釣舡名利不求還獨樂是非莫辯祇高眠  
何當對景幽堂坐更得閑吟度百年

洛陽九老祖龍學文集卷第二

洛陽九老祖龍學文集卷第三

五言四韻詩四十二首

題三教圖通堂

其堂在蔡州開元寺  
內龍學時知制誥

師本佛之徒潛心老與儒一堂何所像三教此鳥俱香  
火長相續丹青久不渝高賢旌好事二記聳龜趺

馬上讀韓吏部集

驅羸勸遠征尺箠亦慵擊却得開編看仍教縱轡行儒  
推文暢行詩許孟郊鳴盡日既遺味渾如挹大羹

至齊五月兩院獄空喜而成咏

厭預鈴齋議欣聞獄犴空三章用舊制五月紹遺風止  
繫垂衣治非干別駕功惟期四海內刑厝與周同



眠後于清偶書四韻寄示幕中賓客

經旬一水涓風土化緇衣豈敢嗟于役何當賦式微雲  
山晴特秀花木暖相輝期子同携手春游事勿違

齋中即書事

南事

軍壘無多事朝晡且放衙吏人如野鹿公署似僧家京  
信因求藥賓惟為鬪茶忘懷塵俗外枕籍祇南華

羌先生廟

先生高世跡舊隱白雲深結宇知何代遺祠直至今地  
分壇杏影門接社蓮陰我亦希風者終朝託玉岑

贈廬山崇勝珂長老

珂也僧中秀曹溪得祖衣雲泉聊適性餅錫遂忘歸九

月秋風老千山暮兩霏我來陪靜話相對兩無機

送承澤上人歸寧富沙

五老峯前見過從一歲餘還將隨客棹歸去侍親輿乞  
食江雲際字吟臘雪初祇應清夜夢時復到荒廬

酬江西運使齊工部見寄

龍坂彌年別長茲仰道風夢曾瞻使節喜忽得詩筒詞  
蒸春林秀恩私地鎮崇因將示知者傳誦滿江東

游韶石

純音何寂寞秀色自崔嵬巖草遺簫在溪禽學鳳來余  
希探禹穴人似畏軒臺登眺秋風裡煩襟盡日開

吏隱宜春郡詩十首

以太常博士直書賢  
院皇祐五年知袁州

其一

吏隱宜春郡年豐獄訟稀餘糧委南畝茂草滿園扉天  
意憐艱食民心恥盡衣萬家行樂處車馬有光輝

其二

吏隱宜春郡溪山若画圖纖鱗時自躍幽鳥靜相呼曉  
浪噴寒雨暗嵐鎖綠蕪漁樵本吾事搔首重踟蹰

其三

吏隱宜春郡追惟二相賢房瑄李德裕節明天寶日業茂會

昌年友善曾何累朋誣亦自煎瑄坐与李適之韋堅等  
玉潘李漢等所誣善貶宜春太守德裕為  
貶為宜春長吏不才非不幸異代若差肩

其四

吏隱宜春郡閑思應舉時端居若貧賤徒步入京師誤  
寵乘軒鶴釣憂入庙犧功名在何許双鬢已垂絲

其五

吏隱宜春郡鄉園去路賒間閑成客宦在苒度年華出  
水魚吞餌辭山鳳在笈誰言千里隔夜、夢吾家

其六

吏隱宜春郡同僚得俊髦純音等疏越餘力劇豪曹器  
識青雲遠歌詞白雪高遂令遷客意不復賦離騷

其七

吏隱宜春郡山城少客過靜中窺物理閑外養天和春  
暖尋花塢霄涼玩月波將迎者誰子勞逸兩如何



其八

吏隱宜春郡放懷詩酒間未能慙下俚幾欲效中山杜  
甫藩籬窄元稹論杜詩之優劣六李尚不能歷其藩籬况堂奧乎劉伶幕帶慳高  
吟與沉醉榮辱詎相関

其九

吏隱宜春郡窮通嬾更占矜名遭巧譖晦跡喜深潛昔  
慕狂為聖今師智養恬優游無一事不覺歲時淹

其十

吏隱宜春郡素飡誠有餘政声慙遂霸文添謝嚴徐使  
節分銅虎仙廬秘石梁君恩殊未報不敢治歸欵

題紀信廟

漢祖臨危日將軍獨奪功一身雖是詐萬古盡言忠樹  
老風声澗天寒景色空我来觀庙貌無語對村翁

昇州保寧寺鳳凰亭

臺舊有亭中廢已久今長老承泰建此

鳳臺雖舊址亭榭斬新開荆棘榛蕪去江山氣象來  
君虞氏化賢守次公才遲爾離丹穴飛止此臺時危

起居鎮金陵

留題女郎臺

女郎臺上寺影蘸湖光夜梵星辰近晨齋鳥雀忙烟  
滋揚柳綠風逞芰荷香欲下還慵去憑闌到夕陽

春郊即事

東方驅曉騎南畝勸春耕試興牧童語因知林鳥名雨

前茶正小社後酒猶清可咲豚蹄祝簪車望豈輕

送李承知京兆司錄

總從知己荐公近以知己又應辟書行今知府天章孫待制辟公領是

在廷尉官聯重軍謀職任清華嚴東野秀紫閣晚峯橫

盡是供吟處歸應新集成

送宋寺丞通判邛州

半刺侯藩重臨邛驛路賒將經灞陵樹先看洛陽花土

物張霧竹民封卓氏家為君傷遠日日斷衰斜

秋日感懷

多病多愁客新秋百感生異鄉違土性孤宦見人情案

厭曲灯讀田思帶雨耕不堪臨曉鑑潘鬢二毛成

寄穎州兄

川陸一千里炎涼六十旬意通書信少思入夢魂頻身

外官情薄眼前人事新稅兄無見念憂道不憂貧

舟次張澤阻風

舟楫雖佳興風波即畏途我心何所惧世路此無殊銜

尾千艘泊爭頭萬恠趨飄然不終日揮手謝淳滂

寄題漢州西湖兼簡知郡馬屯田

房相曲遺愛清風湖水長人思浴池鳳誰識濟川航白

雪徽音遠太尉喜洪鈞道化光還聞繼高躅新有召公

崇

寄千乘劉殿丞求字人編



千乘劉夫子高名繼謫仙從居庇身邑已著字入編才  
入鍾嶸品文期鄭氏爰何當求副本長願播匏弦

寄信安判官張秘校

蓮幕從軍客蓬仙與枚人才章過鮑謝交契敵雷陳婉  
婉謀畫暇翮書問頻徒知感高義犹阻奉清塵

泗水

紀地復涵虛清疑顯氣俱東家遺教遠夏后建功殊冷  
色平吞魯長波迴勝吳闕二句

沈康赴江西掾

高譽冠時英人昔倒屣迎決科材尚屈掌獄職仍輕滕  
閣吟登健吳山醉望清公餘如訪古一為問豐城

張唐民下第東歸

學古功非淺干時命尚遐拾青辜壯志垂白念慈親歸  
路天同遠生涯州自貧吾知君道闕

送人作尉臨潼

年少文能老新曾射策來從橫傳古學慷慨濟時不黃  
綬官徒爾青雲志在哉他年歸會課遲子出塵埃

書懷寄呈萊州張學士

從作東齊吏經年寡往來朱顏隨日減青眼為山開學  
政慙能政論材信不材何人慰孤寂知已在蓬萊累辱書問

兼賦詩  
筆故云

萬太傅知惠州

惠州君未到聽我送君吟去路九韶石鄰封八桂林下  
車秋色老望闕海雲深善政多餘暇無忘惠好音

送新州陳式虞部

大庾嶺南郡新與事若何還珠合浦近辟惡密香多生  
聖天如覆時平海不波更逢賢太守應有袴襦歌

送蓮房與馬屯田

問遺不必貴要之資闕如蓮房三百枚來掇亦云初持  
以侑尊酒甘香即有餘野老獻芹意今予其有諸

題安成劉伯玉日新亭

積善家餘慶日新亭可云詩書盈几有道藝喜時聞兒  
姪既登學晨昏在克勤欲知榮地力此便是青雲

寄成都詩人謝希濤

常聞游蜀客來說謝希濤氣稟江山秀名因翰墨高新  
詩來句遠去歲得詩三十首密意念空勞拙句聊相贈應煩報

錯刀



洛陽九老祖龍學文集卷第四

絕句詩二十六首

秋曉寓目

梧桐冷墜春宮井  
沆瀣光浮漢苑槃  
倚杵遠天垂六幕  
照梁初日上三竿

鳩鳩

水宿雲飛無定期  
雄雌兩鎮相隨到頭不會天何意  
却使人生有別離

後池新柳

客來莫怪寡心情  
俗吏喧嘩不喜聽  
多感後池揚柳眼  
一回相對一回青

歷城春日對酒

數尺游絲拂面來  
數枝紅杏向人開  
眼前信美非吾土  
且勸春風酒一杯

戲別申申堂

翠柳和烟籠碧渚  
紅芳如火照諸鄰  
主公欲去寧無戀  
倚翠隈紅屬後人

汴水即事

波狂如箭雨如絲  
汎汎扁舟瞥鳥飛  
睡起謳鳴乍鳴櫓  
却思村舍聽鄰機

澄清閣 在楚州

范滂雅志在澄清  
今日廉車命閣名  
華榜高標雖具美

柰何長是困蒼生

贈江州李虛一司戶

官况蕭條三語掾  
地居卑濕九江城  
曾聞午夜開宣室  
早晚君王召賈生

劉仙石 在江州太平興國觀

神仙不死石長存  
萬古千秋表洞門  
人欲求真好修煉  
莫徒將杖叩苔痕

又

支機莫問君年平肆  
取履誰修黃石祠  
深洞自開人不見  
何須惆悵憶當時

交代屯田遠惠書問紙尾批示若就江州至軍



兼可腹背游覽廬阜因成拙句且荅佳意

廬山在境好行春  
猶恨奇峰屬半隣  
腹背徧遊煩示諭

即當先謁樂天真

將至南康道中

溢江輟棹整駉駢  
松路揚鞭入翠微  
好是近郊人候望  
紛：羽服與田衣

招二三僚友游廬阜

兩餘廬阜連天碧  
公退鈴齋盡日閑  
為報二三佳客道  
速須蠲屐共登山

遊栖賢

偷得沉迷簿領身  
暫來林下訪幽人  
雲泉滿眼慵歸去

便擬拋官學隱淪

歌者李蘇：齊州

歌妙繫：若貫珠歷城  
惟祗數蘇：何當更唱陽春曲  
為爾今宵倒玉壺

過渦河

揚鞭策羸馬橋上一  
裴回欲擬臨渦賦  
慙無八斗才昔  
子建臨渦作賦書于鞭上

馬上口占

前年躡屩念歸欵  
今日乘軒類使乎  
千里班春憂寄重  
自慙翻屬箇非夫

登泰山簡周行

日：塵中眼不開暫登蒼翠喜游陪莫辭辛苦經難險  
大有人生不到來

又游靈巖

嶂

紅塵滿馬三回到青障迎人萬疊開却被野僧相顧咲  
區：還是舊時來

次韻醇陳判官見貽

一篇為惠枉瑤封疑得仙文自蕊宮始信夫君才力大  
居然天地入形籠陸机文賦云籠天地于形內

周成職方笑臺

賈生太息唐衢哭感事傷時可奈何爭似君當堯舜日  
臺頭大笑樂天和

感事

東家木鐸德音遠西竺金人像教來禮樂不與王道絕  
吾民何日遂康哉

題蔡州壺仙觀

龍學四月八日遊蔡人每歲于  
是日來集此歡賞遊歌其觀在

城北十里許有仙榆  
數十株亦名大木觀

鷲老花殘過禁烟杖藜閒步到壺仙：家本是無塵地  
別有風光一洞天費長房懸壺之地

聚為九老自詠

龍學因分司西京御史臺與司馬溫公九人  
為真率會謂之九老

科名高猷玉階前歷任公卿四十年休道老夫無事業



兩扶紅日上青天

英宗皇帝即位龍學充皇帝即位契丹皇太后國信使神宗皇帝即位

是時龍學為開封府大尹

題蔡州東湖

夕陽水底霞鋪錦  
清夜波心月湧金  
此是東湖最佳處  
無人來伴水仙吟

詠繭兒

千絲萬縷自經營  
本為藏身却誤身  
待得功成歸鼎鑊  
不知輕煖屬他人

洛陽九老祖龍學文集卷第四

